

4. gr.

Fé úr sjóðnum skal varið til líknar og mannúðarmála, svo sem til hjálpar fötluðu fólki, sem þarf á fjárhagsaðstoð að halda.

Einnig til glaðningar til handa sjúkum og ellihrumum og fleira getur komið til greina, allt samkvæmt mati stjórnar sjóðsins á hverjum tíma.

Aldrei má úthluta meiru árlega en vöxtum af sjóðnum.

5. gr.

Leggist kaupfélag Áshrepps niður, eða hætti störfum, skal hreppsnefnd Áshrepps kjósa, að afstöðnum hverjum hreppsnefndarkosningum, þrjár konur búsettar í Áshreppi til þess að hafa umsjón og varðveislu sjóðsins með höndum, svo og úthlutun vaxta af honum.

Staðfesting forsetans á skipulagsskrá fyrir Minningarsjóð Aðalheiðar Erlu Gunnarsdóttur, Syðra-Vallholti, útgefin á venjulegan hátt að mandatum af dómsmálaráðherra 8. febrúar 1980.

Skipulagsskráin er þannig:

SKIPULAGSSKRÁ

fyrir Minningarsjóð Aðalheiðar Erlu Gunnarsdóttur Syðra-Vallholti.

1. gr.

Sjóðurinn heitir Minningarsjóður Aðalheiðar Erlu Gunnarsdóttur.

2. gr.

Sjóðurinn er stofnaður til minningar um Aðalheiði Erlu Gunnarsdóttur, Syðra-Vallholti, sem lést þann 27. ágúst 1979, aðeins 12 ára gömul. Sjóðurinn er stofnaður af foreldrum hennar og systur, ættingjum og vinum, hinn 3. desember 1979, á dánardægrí afa hennar, Gunnars bónda Gunnarssonar, Syðra-Vallholti, sem lést þann 3. desember 1962.

3. gr.

Stofnfé sjóðsins er kr. 630 000.00 — sexhundruð og þrjátíuþúsund krónur — auk gjafa og áheita, sem honum kunna að berast.

Stofnfé sjóðsins má aldrei skerða.

4. gr.

Sjóðurinn veitir minningargjöfum viðtöku, sem og öðrum gjöfum, sem leggjast við höfuðstól sjóðsins sem stofnfé. Fastar tekjur sjóðsins eru árlegir vextir af höfuðstól.

Fjármuni sjóðsins skal ávaxta á sem hagkvæmastan hátt, í verðtryggðum banka-reikningum, eða á hvern þann hátt, sem stjórn sjóðsins telur bestan á hverjum tíma.

5. gr.

Sjóðurinn skal hafa minningarkort á boðstólum, og eiga gjafabók, sem færa skal í allar gjafir sem honum berast, ásamt nafni og dagsetningu.

6. gr.

Markmið sjóðsins er að efla og styrkja tónlistarlíf við Varmahlíðarskóla og Tónlistarskóla Skagafjarðarsýslu. Veita skal efnilegum nemendum skólanna viðurkenningu fyrir góða ástundun og framfarir í tónlistarnámi og móðurmálsfræðum.

Úthlutun úr sjóðnum skal fara fram að loknu skólastarfi ár hvert, í sambandi við vorpróf, skólaslit og nemendatónleika, í fyrsta sinn vorið 1980.

7. gr.

Fjárveiting úr sjóðnum skal eigi vera meiri á hverju ári, en sem nemur 1/10 — einum tíunda — af höfuðstól, eins og hann verður á hverjum tíma, enda þótt vextir séu hærri og tekjur hans meiri, sem leggjast við höfuðstólinn.

Verði árstekjur sjóðsins undir 10% af höfuðstól, skal eigi veita meira en 9/10 af tekjum það ár. Stjórn sjóðsins er þó heimilt að hnika þessu til, ef ástæða þykir.

8. gr.

Sjóðurinn skal vera í vörslu Varmahlíðarskóla, og skólastjóri hans vera formaður sjóðsstjórnar. Aðrir í stjórn sjóðsins skulu vera skólastjóri Tónlistarskóla Skagafjarðarsýslu og sóknarpresturinn í Viðimýrarsókn. Ennfremur foreldrar Aðalheiðar, þau hjónin Stefanía Þórunn Sæmundsdóttir og Gunnar Gunnarsson, meðan þeirra nýtur við. Óski ættingjar að þeim látnum að eiga aðild að stjórninni, skulu þeir þar til nefna einn mann.

9. gr.

Stjórn sjóðsins hefur á hendi alla framkvæmd fjárveitinga úr sjóðnum, reikningshald hans og umsjón.

Endurskoðendur sjóðsins skulu vera endurskoðendur reikninga Seyluhrepps.

10. gr.

Leita skal staðfestingar forseta Íslands á skipulagsskrá þessari.

REGLUGERÐ

um kaup lífeyrissjóða á verðtryggðum skuldabréfum ríkissjóðs, Framkvæmdasjóðs Íslands, Byggingasjóðs ríkisins og annarra fjárfestingarlánasjóða.

1. gr.

Hverjum lífeyrissjóði sem lögbundinn er eða starfar eftir reglum sem fjármálaráðherra samþykkir, sbr. 1. tölulið D-liðs 30. gr. laga nr. 40/1978, er skylt að verja árlega a. m. k. 40% af ráðstöfunarfé sínu til kaupa á skuldabréfum, með fullri verðtryggingu til eigi skemmri tíma en 10 ára og sem fullnægja öðrum þeim ákvæðum sem sett kunna að verða af Seðlabanka Íslands. Til að tryggt sé að lífeyrissjóðir geti fullnægt ávöxtunarákvæðum þessum er Framkvæmdasjóði Íslands og Byggingasjóði ríkisins skylt að hafa slík skuldabréf til sölu. Lífeyrissjóðunum er heimilt að kaupa skuldabréf annarra fjárfestingalánasjóða með fullri verðtryggingu. Teljast slík kaup hluti ráðstöfunarskyldu skv. 1. mgr. þessarar greinar, fari kaupin fram innan þeirra tímamarka, er um getur í 2. gr.

2. gr.

Lífeyrissjóðum er skylt að láta fjármálaráðuneytinu í té áætlun um ráðstöfunarfé sitt út árið í upphafi hvers árs og eigi síðar en 1. febrúar. Að lokinni athugun